

《大乘起信論導讀》 補充講表

◎附表三：以下糅合蕩益大師《大乘起信論裂網疏》

○歸憑三寶

◆造論弘法，必先「歸憑三寶」者，略有四義：一、順古先聖賢儀式故。

二、令眾生增長福德善根故。

三、不同外道議論無宗本故。

四、顯示能歸所歸性空寂，感應道交難思議故。

◆若無一體三寶，則無以建立住持三寶；若非住持三寶，則無以顯發一體三寶。

如無一心真如，則無以為生滅所依；如無生滅門中，熏習淨法，則無以顯一心真如。

當知一體三寶，即真如門大乘體也；住持三寶，即生滅門大乘體相用也。

二門不相離故，不得偏論歸也。

三寶：住持三寶	一體三寶（唯約心體，義分三相。）
佛：形像塔廟	智——根本智、方便智
法：紙素所傳	理——真諦理、俗諦理
僧：戒法儀相	理智和合之心

（糝合懺雲老和尚於三寶釋義之開示）

◆住持三寶：一般以佛之塑像、畫像為住持之佛寶，三藏經典為住持之法寶，剃染為相，

出家僧眾為住持之僧寶。（糝合《佛光大辭典》）

○歸命盡十方 最勝業遍知 色無礙自在 救世大悲者（讚佛三輪不思議化的功德）

※法藏大師於《大乘起信論疏》云：「【歸命】二字，顯能歸至誠也。」

◆文中「歸命」二字，即攝能歸之三業。盡十方以下，即示所歸之三寶也。「歸命」，猶言身命歸依。歸者：投向義，返還義。生死海中，唯三寶功德可作恃怙，故應投向。

◆三寶體性，即眾生現前介爾心性。由無始來背覺合塵，甘自逃背；今背塵合覺，復本心源，故名返還也。

※圓瑛法師於《大乘起信論講義》云：「最勝業遍知三句，歸佛寶也。佛以三輪應物，業：

即身口意三輪業用，皆最殊勝，顯非應化身，乃從法垂報之身。不云法身者，以法身人，法寶攝故。遍知，意業最勝也。凡夫妄知，外道邪知，二乘偏知，菩薩分知，唯佛遍知。以真智證理，理無不徹；以俗智鑒機，機無不宜；乃至緣起差別等，無不盡知。故云：遍知也。」

※《大乘起信論講義》云：「色無礙自在，身業最勝也；如來色身，自在無礙。」

※《大乘起信論講義》云：「救世大悲，口業最勝也。」

○及彼身體相 法性真如海 無量功德藏（歸敬法寶） 如實修行等（歸敬僧寶）

※《大乘起信論講義》云：「及彼身體相三句，歸敬法寶也。」

※《大乘起信論裂網疏》卷一云：「彼：即指上佛寶。體相：謂真如之體，性德之相。既言體相，即攝於用，以是三法不相離故。此體相用，深廣莫測，名之為海。雖體相海，即是眾生現前心性，不單屬佛，而唯佛究竟證得，故舉此以顯所詮法寶也。及者，顯佛法本不二義，蓋佛是假名，法是實法。攬法成人，因人辦法，是故佛性法性，唯是一性。」

※《大乘起信論講義》云：「法性真如海，此句釋上【體】字，謂真如法性，即法身真體。又不特與佛為體，亦通與一切法為性。」又云：「無量功德藏，此句釋上【相】字。謂此法身，如來藏妙真如性中，含攝具足，無量稱性功德。」

※《大乘起信論疏記會閱》云：「如實修行等，僧寶也。僧通凡聖，寶唯聖位也。聖通大小，菩薩為勝。是故此中，唯歸地上大菩薩僧。凡聖者，凡：謂內凡三賢，外凡十信，及未入位者，但方袍圓頂，亦名凡僧。聖：謂小乘四果，大乘十地。」